

ПАЙРЕМ ВОЛГЫДО ШАРНЫМАШЫМ КОДЕН

Пургыж тылзын
19-ше кечынже
Морко книгагудо
пашаен-влак ден
йоча-влак Ёярня
пайремым веселан
вашлийныт.

Шокшо да тутло
мелна, йолгурык гыч
веселан мунчалты-
маш, мурен-кушты-
маш — чылажат
Ёярня нерген ойла.
Йўлам тукум гыч
тукумыш шарен шо-
гымо амал дене пытаргыш
жапыште йоча-влак денат
тыгай пайрем кумдан эр-
таралтеш.



Книгагудо пашаен-влак
тунемше-влакым Ёярня
пайремым эртарыме ра-
дам, түрлө илыш-йўлам
шуктымо годым марла

кутырен да мурен мошты-
мын күлешлыкше нерген
палдареныт. Чылаштым
иктыш ушен, модыш
дене модыктеныт. «Из-

дер дене мунчал-
тымаш», «Вара
воктен ошкеды-
маш», «Йыдал
пазар», «Пангам
кышкылтмаш»,
«Мундыраш чу-
мырген» модыш
чылалан келшен.

Книгагудо па-
шаен-влак Ёяр-
ня пайремыште
кажне енын ку-
мылжым нёл-
теныт да чыла-
ныштым шокшо мелна
дене сийленыт.

Алена ПЕТУХОВА,
книгагудо пашаен